

ODLUKU O KOREKCIJI IZMJENA I DOPUNA REGULACIONOG PLANA "DOBRINJA"

Član 1.

Utvrđuje se Korekcija Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje stambeno-poslovnog objekta, na parcelama označenim kao k.č. 2519/1; 2519/2; 2519/3; 2521/1; 2521/2; 2521/3; 2522/12; 522/2 i 2522/3 k.o. Dobrinja, Općina Novi Grad Sarajevo, prema slijedećim urbanističko-tehničkim uslovima, odnosno na način:

- Namjena planiranog objekta je stambeno-poslovni, a spratnost je podrum, prizemlje, tri sprata i mansarda (Po+P+3+M), Regulaciona linija objekta obuhvata parcele označene kao k.č. 2519/1; 2519/2; 2519/3; 2521/1; 2521/2; 2521/3; 2522/1; 2522/2 i 2522/3 k.o. Dobrinja, Općina Novi Grad Sarajevo, na način kako je prikazano u grafičkom prilogu br. 2 i 3.
- Građevinska linija podrumke, prizemne i posljednje etaže je povučena u odnosu na građevinsku liniju ostalih spratnih etaža, što je prikazano u grafičkom prilogu br. 2, tako da max. BGP prizemlja i posljednje etaže iznosi po 588 m², a maks. BGP spratnih etaža iznosi po 782.3 m², te maks. BGP svih nadzemnih etaža planiranog objekta iznosi 3523 m².
- Maks. visine vertikalnih gabarita pojedinih dijelova planiranog objekta definisane su visinskim kotama u odnosu na visinsku kotu prizemlja i naznačenu apsolutnu kotu, što je prikazano u grafičkom prilogu br. 2. Potrebno

je obezbijediti parking prostor sa minimalnim brojem 1 stan - 1 parking mjesto i određenim brojem parking mjesta za potrebe poslovnog dijela objekta u podrumu objekta ili u okviru vlasničke parcele.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta.

Tekstualni dio i grafički prilog korekcije Plana su sastavni dio Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06).

Član 4.

Korekcija Plana je radena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna Regulacionog plana "Dobrinja", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva-Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02-23-5750/13
28. marta 2013. godine

Općinski načelnik
Semir Efendić, s. r.

OPĆINA STARI GRAD

Općinsko vijeće

Na osnovu člana 65. i 67. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 42/12), Općinsko vijeće Općine Stari Grad Sarajevo, na sjednici održanoj 28. marta 2013. godine, usvojilo je

IZVJEŠTAJ

O REALIZACIJI BUDŽETA OPĆINE STARI GRAD SARAJEVO ZA PERIOD OD 01.01.2012. DO 31.12.2012. GODINE

Član 1.

Budžet Općine Stari Grad Sarajevo za 2012. godinu utvrđen je u iznosu od KM 18.073.660,00 a izvršen je u obimu i iznosima kako slijedi:

1. Ukupni ostvareni prihodi i primici u tekućem periodu iznose: KM 15.634.251,72
 - Poreski prihodi. KM 2.510.837,57
 - Neporezni prihodi od poduzetničkih aktivnosti i imovine KM 7.105.666,54
 - Naknade, takse i prihodi od pružanja javnih usluga. KM 2.680.869,30
 - Tekuće potpore KM 3.336.878,31
 - Kapitalni primici KM 0,00

2. Prenesena raspoloživa sredstva iz 2011. godine KM 2.127.227,3
 3. Ukupno ostvareni prihodi i primici i prenesena sredstva iznose (zbir 1 + 2) KM 17.761.479,10
 4. Ukupno ostvareni rashodi i izdaci u tekućem periodu iznose KM 14.900.393,53
- Razlika između ostvarenih prihoda i primitaka i rashoda i izdataka - suficit, po Izvještaju o realizaciji Budžeta za period 01.01. - 31.12. 2012. godine (razlika 3-4) iznosi KM 2.861.085,57.

Član 2.

Iskazani višak prihoda i primitaka nad rashodima i izdacima - suficit u ukupnom iznosu od KM 2.861.085,57 prenosi se u naredni izvještajni period 2013. godine.

Član 3.

Ostvareni prihodi i primici po vrstama i izvršeni rashodi i izdaci po namjenama i razdjelima iskazani su u tabelama bilansa Budžeta datim u prilogu.

Član 4.

Ova izvještaj bit će objavljen u "Službenim novinama Kantona Sarajevo".

Broj 02-49-120/13
28. marta 2013. godine
Sarajevo

Predsjedavajući
Općinskog vijeća Stari Grad
Vedran Dodik, s. r.